



UNIVERSITÄTS-
BIBLIOTHEK
PADERBORN

Ivlii Cæsarisi|| Scaligeri|| Epistolæ|| &|| Orationes||

Scaliger, Julius Caesar

Lugduni Batavorum, 1600

LI.

[urn:nbn:de:hbz:466:1-70455](#)

a me contaminari, quæ a simplicissimo animo instituta; non mutari, quæ a constantissimo viro profecta, non opprimi, quæ a lenissimo ingenio conseruata esset. Neque tam me fatuum existimes, quin potius in te culpam sublatæ necessitudinis, quam in me suspicionem læsæ intelligi velim. Nihil enim mihi iucundius, quam haberi vnum ex bonis, & apud bonos, quorum te semper principem prædicaui. Vnum abs te peto, ut credas mihi neq. satis eloquentiæ ad animum meum declarandum, neque satis ignauiæ ad ferendas similitates, neque satis fortunæ ad reprimendas improborum impresiones: sed satis officiorum ad amicitias comparandas, satis dexteritatis ad retinendas, satis animi ad reddenda vel beneficia vel maleficia esse.



L I.

QUEM diem vehementer ego semper veritus fueram, in quo mihi humanitate tua atq. auctoritate abutendum esset: tu autem mirum in modum exoptare dicebas, ut aliquando fieret, cum amore erga me tuum, atque officium diligenter ostenderes, obtulit nostrum utrique sors quædam,

M

v

vt iam omnes sentire atque intelligere pos-
sint, neminem vnquam frustra fuisse, qui lite-
ratorū spesq. opesq. omnes tuo in sinu tuoq;
sub præsidio collocatas iudicarit. Nihil tale
cogitantem more suo atque instituto vete-
res Coss. nuper me Consulem designarunt.
Ea res animum perculit inuidorum quo-
rundam, qui non solum virtutem, quam
oderunt, contemptui habent, verum etiam
peregrinam nobilitatem, quam a se alienam
atque abhorrentem negligunt, inter suas
fordes nequeunt pati. Concitarunt igitur
clandestinis atque nocturnis conuenticulis
magnam marium plebeiorum, quorum iul-
su huic Consulum decreto intercederetur.
Quæ res cum acerbissimis odiis summisque
contentionibus exagitata esset, eo cessit, ut
primores ciuitatis eiusdem decreti fierent
auctores, quod semel Consulibus recte vi-
sum riteque factum erat. Quā ob caus-
am cum quatuor antea inimico ani-
mo aduersus nos essent, tres destitere,
vñus adhuc pristinis furii agitatus fertur.
Fortasse queras cūiusmodi Cato is sit, aut
Curius, aut Maximus? quem neque forma
neque gratia, neque genus, neque probitas
commendare potest: adeo ab omni auersus
modestia atque ciuitate, vt nihil hominis
ac ne

ac ne faciem quidem præ se ferat: vanus ac
futilis, æque suorum vitiorum iactator, atq.
alienæ gloriæ contemptor. Qui cuiusmodi
complices atque populares habeat suæ im-
probitatis ne dissimulare quidem potest;
cum neque ipsi palam rem hanc agere ausi
sint, neque is eorum nomina vel apud iudi-
ces profiteri. Ita verentur quorsum euadat
tam improbum consilium, ut ne victoriam
quidem sperare audeant, cum eum nacti
sint patronum, quem nec publice sequi di-
gnum ducant: eam caussam foueant, in qua
nec nominari patientur. Quam nobrem, op-
time atque doctissime atque integerrime
vir, obsecro te atque obtestor per omnes
numerous omnium virtutum tuarum, spesq.
omnium nostrum in te sitas, ut tua opera
intelligent omnes, improborum audaciam
atque temeritatem non solum fractam, ve-
rum etiam oppressam esse, tuaque gratia at-
que auctoritate agnoscant; non plus esse
apud improbos atque seditiosos insolentias;
quam in te probitatis atque integratatis:
cuius iudicio nunc subleuata, dehinc ob-
noxia perpetuo atque deuincta tota ciuitas
sit, quæ in tuam clientelam sese suasq. opes
dedit atque commendat.

M 2

SENAT